



Regarder. Écouter. Vivre.



MIKAWASIKEMOWIN EKWAMISIWINIK ICKOTE OPTAPAN OTCI

E motci pimoteiin, otapan, tetipawepickatcikan, skito, ka newotorowetc VTT mocak ekwamicta ickote otapan meskanaw acitc ickote otapan. Nosaneta ka ici witamakoiiin. Ki ka witcihikon kipimatisiwin otci.



WAROWIK TACIKE ICKOTE OTAPAN MESKANAK

Aka wiskat nta pimote ickote otapan meskanak kekotc kitci nta pa mipariin. Ariman kitci kiskeritakoc e asitci kiciparik kaie e asitack ickote otapan. Matci e asitciparik ickote otapan 160km/h wic tca 2 kilomètres kitci ki nakaparik tacikam e nakahiketc. Mia peikon 18 iririk e iskwak ka ici metowaniwok football!



EKOCI EKWAMISIKW

Ickote otapan meskanaw, ka cipawapiskak meskanaw, acokan, ka ici atapiskiparik ickote otapan micta kocatikon neta ! nama acteriw awacak kaie iriniwoc kitci pa aicatcik neta. Takon irakonikewin e ki actakaniwok aka kitci icaniwoc matci ki ka natoackakoiin 50 000\$.



NIHE APATCITAKW KA ICI ACOSKANAWANIWOK

Akawir arotc ici acoskanewi- kocatikon kipimatisiwin otci ! ka ici masinahikatek tepirak ki ka ici acoskanewan. Aka onike nama kiskeritakon tan apitc e miparik ickote otapan. Nama kaie kiskeritakon tante mia e wetciparik. Nama kaie kiskeritakon tan e tato tipahikaneiak ke miparik.



NOSANETAKW KA AKWASKAHITEK KA WITCIKEMAKAK

Ka witcikemakak akwaskahikan, ka wawacteparik, tesekahikan, kipaskohikan ekoni wetci actakaniwoc kitci ekwamisaniwoc ! epwamoci acoskaneiekw aitowi aitapikw acitc natotamokw ke apitc petakoc ickote otapan. Kecpin e peteweparik kekotc e wawaskoroweparik ka wawactek. **NAKAPARIKW** ka ici actek kipaskohikan. Wic 5 mètres e ici actek ickote otapan meskanaw asko. Ekote ke pehoiin tekaci kitci ickwa miparik. Patam ickwa wawactepirike ki ka acoskaneweparin tekaci aka takoke ickote otapan.



EKWAMISI TEKACI

Nama tapwe petakono anotc ickote otapana-matci nama ki ka peten kecpin e kitotakeiin. Kekotc mekwatc e taci arimweiin kitakapikenikan. Misawate e tepwemakak ickote otapan e ici acoskaneparinaniwoc nama ki ka peten kecpin e kitotakeiin.



WAROWIK TACIKE

Matci kaie mitcetoparino ickote otapana. Nama tca arakackariw e nicoparitcik. Matci kaie micta kosikoniw ka awotatcik acitc kirowe e arakackarik. Ekoci tca warowik tacikekw. Matci kaie ki ka tawihikowinawaw piwapiskoriw kekotc sakapikaniw ka miparitatc. Kekotc kotakeriw kekwariw ka sakapikehotatc.

MIKAWASIKEMOWIN

- *Nama kiskeritakon e asitciparik acitc e asitcakw e aitamakak. Mia ko nanikotin e micta peconakok-kekotc e micta pe kiciparik*
- *Kecpin e tawickak otapiniw ickote otapan mia tcintcire pwetewapiskw e cimackickak ekoni e isparik. Mictahi meka kosikon nihe ickote otapan. Wic 5,5 millions kilos. Nihe tca otapan 1375 kilos terak.*